



Gazteendako mikroipuín-lehiaketa – Ibaia eta Hiria

Iruñeko Udalak Gazteendako Ibaia eta Hiria mikroipuín-lehiaketarako deia egin du, norgehiagokako araubidean, Iruñeko Udalaren Dirulaguntzei buruzko Ordenantza Orokorrak (2006ko 21. Nafarroako Aldizkari Ofizialean argitaratua, otsailaren 17koan) xedatzen duenarekin bat.

1.-XEDEA.-

Gazteendako mikroipuín-lehiaketa – Ibaia eta Hiria:

Lehiaketaren xedea da Bigarren Hezkuntzako ikasleak Iruñeko ibai-ekosistemak duen garrantziaren inguruan sentsibilizatzea, mikroipuínak baliatuz eta ibaiak hirian gaudenoi ematen digunari buruzko gogoeta txiki baten bidez. Gainera, mikroipuín egokienak aukeratzeak zabalpena egiteko balioko du, eta herritarrak erakusketa baten bidez sentsibilizatzeko.

2.- SARI-MODALITATEAK.-

Honako sari-modalitate hauek ezarri dira:

- 1) A KATEGORIA: Bigarren Hezkuntzako lehen eta bigarren mailak.
- 2) B KATEGORIA: Bigarren Hezkuntzako hirugarren eta laugarren mailak.

3.- DIRU-ZUZKIDURA.-

Deialdi honi, gehienez 1.800 euro esleituko zaizkio sarietarako, Udalaren Aurrekontuko honako partida honen kargura:
40/17212/480000

Sari hauek ezarri dira modalitate bakoitzerako, 2. klausulan adierazitakoaren arabera: Sei sari emanen dira, bi kategorietan banatuta, eta sari guztiak berdinak izanen dira.

1) A KATEGORIA:

100 euroko hiru sari eskola-materialetan egileendako, eta 200 euro eskola-materialetan irabazleek ordezkatzeko dituzten ikastetxeendako.

2) B KATEGORIA:

100 euroko hiru sari eskola-materialetan egileendako, eta 200 euro eskola-materialetan irabazleek ordezkatzeko dituzten ikastetxeendako.

Kategoriaren bat saririk eman gabe gelditzen bada, epaimahaiak beste kategorietan sariak gehitzeko aukera izanen du, baldin eta obrek behar adinako merezimendu- edo kalitate-ezaugarriak badituzte. Inola ere ez dira emanen aurreikusitako sei sariak baino gehiago.

Saritutako lana hainbat egilek egin badute, sarien zenbatekoa ez da aldatuko, hau da, taldeak emandako sariari dagokion zenbatekoko txartel bakarra jasoko du.

Eskolako material-sorta txartel baten bidez jasoko da, eta hori sariak zenbat jo eta horrenbestekoa izanen da. Txartel hori saridunak aukeratutako eskola-materialarengatik trukatu da txartelean bertan aipatzen diren dendetan. Txartela trukatzeko epea lau hilabetekoa da, hura noiz jaulkitzen den eta hortik aitzina.



Txartela ez bada adierazitako epean erabiltzen, osorik edo hein batean, Iruñeko Udalak ulertuko du saridunak uko egin diola saria hartzeari edo trukatu gabe utzitako kopuruari.

Saria emanda, Iruñeko Udalak egilearengandik eskuratuko ditu, berarendako bakarrik eta mundu-mailan, saritutako lan bakoitzari dagozkion jabetza intelektualeko eskubide ekonomiko guztiak; orobat, lan horiek erreproduzitu, banatu, jendaurrean paratu eta eraldatzen ahalko ditu, libreki eta ezer gehiago ordaindu gabe, Jabetza Intelektualari buruzko Legearen Testu Bateginaren 26. artikulua ezarritako epearen barruan. Eskubidea izanen du, baita ere, lana gaur ezaguna den edo geroan asma daitekeen beste edozein bitarteko edo euskarri ukigarri edo ezin ukitukotan aurkezteko. Horrek barne hartzen ditu ustiatzeko modalitateak oro, hau da, lana edozein euskarri edo formatutan erreproduzitzekoa, lana banatzeko eta jendaurrean paratzeko eskubideen barruan, mundu osoko merkatuan ustiatzeari begira. Eskubide horien artean, berariaz daude sarturik hala lanak online igorri eta zabaltzea nola Internet erako sare digital elkarreragileetan eskura jartzea.

4.- HAUTAGAIEN BETEKIZUNAK.-

Lehiaketan parte hartzen ahalko dute Iruñeko udal-mugaratean dauden ikastetxe publiko, itundu edo pribatu guztietako Bigarren Hezkuntzako ikasleek.

Iruñeko Udalaren Dirulaguntzei buruzko Ordenantza Orokorraren 10. artikuluan xedatutakoarekin bat, laguntza hauen izaera berezia dela-eta onuradunei aplikagarri zaizkie arau horretan ezarritako debekuak:

BAI EZ

5.- ESKABIDEAREKIN BATERA AURKEZTU BEHAR DIREN AGIRIAK, non eta zein epean.-

INTERESA DUTENEK EDO IKASTETXEEK HONAKO AGIRI HAUEK AURKEZTU BEHARKO DITUZTE:

1. PARTE-HARTZAILE BAKOITZAREN A4 TAMAINAKO ORRI BAT, PAPER-FORMATUAN, GALDERA HAUEI LABUR ERANTZUNEZ: ZER HARREMAN DUZU IBAIAREKIN? ZER EKARPEN USTE DUZU EGITEN DIOLA IBAIAK IRUÑEARI? NOLAKOA IZATEA NAHIKO ZENUKE ARGIA IBAIA HEMENDIK URTE BATZUETARA? PARTE-HARTZAILEEK HAIEN IZENA, IKASTETXEAREN IZENA, IKASMAILA ETA HAIKIN HARREMANETAN JARTZEKO TELEFONO ZENBAKI BAT IDATZI BEHARKO DITUZTE ORRI HORRETAKO EDOZEIN ALDETAN.

2. IBAIA ETA HIRIA GAIARI BURUZKO MIKROIPUINA, PAPER FORMATUAN ETA A4 TAMAINAKO ORRI BATEAN. GEHIENEZ ERE 300 HITZ IZANEN DITU, A4 ORRIAREN ALDE BAKARREAN. PARTE-HARTZAILEEK HAIEN IZENA, IKASTETXEAREN IZENA, IKASMAILA ETA HAIKIN HARREMANETAN JARTZEKO TELEFONO ZENBAKI BAT IDATZI BEHARKO DITUZTE MIKROIPUINA IDATZI DUTEN A4 TAMAINAKO ORRIAREN ATZEALDEAN.

Parte hartzeko eskaera helbide honetara bideratuko da:

Ingurumen Hezkuntzako Zerbitzua, San Pedroko Monasterio Zaharra, Uztarroz kalea 44, 31014.

Aurrez aurre entregatu nahi izatekotan, arestian aipatutako helbidera jo daiteke, 08:00etatik 15:00etara, edo Ingurumen Hezkuntzako Museora (Errotazar kalea 21 bis, 31014), astearte, asteazken eta ostegunetan, 18:00etatik 20:00etara.

Halaber, Herri Administrazioen Administrazio Prozedura Erkideari buruzko urriaren 1eko 39/2015 Legearen 16.4 artikuluan aurreikusitako bideetako edozein erabiltzen ahalko da.

Lanak aurkezteko epea deialdiaren laburpena Nafarroako Aldizkari Ofizialean argitaratzen den egunean hasi eta 2023ko apirilaren 17an amaituko da.



Saririk jasotzen ez duten lanak Udalaren bulegoetan berreskuratzen ahalko dira, ebazpena argitaratu eta bi hilabeteko epean. Epe hori igarota, Udalak jaso ez diren lanak suntsitzen ahalko ditu, betiere ebazpenaren kontrako errekurtsorik aurkeztu ez bada.

6.- EPAIMAHAIA.-

Epaimahaia Iruñeko Udalak izendatuko du, eta honako hauek osatuko dute:

- Epaimahaiburua: Fermín Alonso Ibarra, Proiektu Estrategikoetako, Mugikortasuneko eta Jasangarritasuneko zinegotzi ordezkaria / Ordezkoa: Juan José Echeverría Iriarte, Hirigintza, Etxebizitza eta Osasuneko Alorreko zinegotzi ordezkaria.

- Epaimahaikideak:

- Alejandro Astibia Bruno, Proiektu eta Obretako, Mugikortasuneko eta Jasangarritasuneko zuzendaria / Ordezkoa: Óscar Esquíroz Noble, Hiri Kontserbazioko zuzendaria

- Ana María Domínguez Silva, Ingurumen Hezkuntzako zerbitzuko koordinatzailea / Ordezkoa: Haren ordezkari den Ingurumen Hezkuntzako teknikaria.

- Idazkaria: Víctor Martínez Espronceda, Proiektu Estrategikoetako, Mugikortasuneko eta Jasangarritasuneko Alorreko lizentziaduna Zuzenbidean / Lucía Sarasa Amatriain, Proiektu Estrategikoetako, Mugikortasuneko eta Jasangarritasuneko Alorreko lizentziaduna Zuzenbidean.

Idazkariak hitza izanen du, baina botorik ez

Epaimahaiak organo eskudunari, hau da, Proiektu Estrategikoetako, Mugikortasuneko eta Jasangarritasuneko Alorreko zinegotzi ordezkariari aurkeztuko dio sari-proposamena, horrek sari-ematearen gainean ebatz dezan. Modalitate guztietan, edozein sari eman gabe uzten ahalko da, baldin eta epaimahaiaren iritziz ezein lanek ez badu behar adinako meriturik edo kalitaterik.

Epaimahaiak accesiten bat proposatzeko aukera: BAI EZ

7. DATU PERTSONALEN TRATAMENDUA.-

Iruñeko Udala da arduradun botere publikoetz baliatuz dirulaguntza kudeatzeko eta saria emateko xedez erabiliko diren datu pertsonalez. Ez da daturik lagako legeak hala aginduta izan ezik. Eskubidea duzu datuetan sartzeko, datuak zuzentzeko –zuzenak ez badira– eta horiek ezabatzeko Erregistro Orokorrera (Kale Nagusia 2, 31001, Iruña) edo egoitza elektronikora joaz. Datuen tratamendu-zerrenda eta informazio osagarria www.pamplona.es/eu webgunean kontsultatu ditzakezu.

Sari-banaketaren irudiak Udalaren webgune korporatiboan eta sare sozialetan argitaratzen ahalko dira, eta hainbat komunikabidek zabaltzen ahalko dituzte.

8.- EBATZI ETA JAKINARAZTEKO EPEA.-

Ebatzi eta jakinarazteko epea sei hilabetekoa izanen da, gehienez ere. Epea deialdi honen laburpena Nafarroako Aldizkari Ofizialean argitaratu eta hortik aitzina hasiko da kontatzen.

Instrukzio-organoa dirulaguntza hau kudeatzen duen Alorreko Idazkaritza Teknikoa izanen da.



Sariak emateko ebazpenak amaiera emanen dio administrazio-bideari, eta eskatzaileei jakinaraziko zaie, urriaren 1eko Administrazio Publikoen Administrazio Prozedura Erkidearen 39/2015 Legean aurreikusitakoarekin bat.

Ebazpena argitaratzeko beharra: BAI EZ

Baiezkoa bada, non argitaratu:

Iruñeko Udalaren webgunean.

9.- KONTUAN HARTU BEHARREKO BESTE BATZUK.-

Ez da parte-hartzaile beraren lan bat baino gehiago onartuko.

Lehiaketa honetan parte hartzen dutenek Iruñeko Udalari mikroipuinenerabilera lagatzen diotela onartzen dute, eta eskubidea ematen diote horiek egoki kudeatu, gorde eta hedatze aldera behar diren berariazko tratamendu-irizpideak ezartzeko.

10.- ERREKURTSOAK.-

Lehiaketan parte hartzeak berekin dakar haien lanekin parte hartzen dutenek oinarriak onartu eta horiei men egitea.

Lehiaketa honen garapenaren eta oinarri hauen interpretazioaren inguruko gatazkak oro organo emaileak ebatziko ditu.

Deialdi honen, oinarri hauen eta horiek betearazteko har daitezkeen administrazio-ebazpenen aurka errekurtsu hauek paratzen ahalko dira, aukeran:

- Berraztertzeo errekurtsua, administrazio-egintzaren egile den udal-organoari zuzendua, hilabeteko epean, errekurritzen den egintza jakinarazi edo, bestela, argitara eman eta biharamunetik aitzina.
- Gora jotzeko errekurtsua, Nafarroako Administrazio Auzitegiari zuzendua, hilabeteko epean, errekurritzen den egintza jakinarazi edo argitaratu eta hortik aitzina.
- Administrazioarekiko auzi-errekurtsua, Iruñeko Administrazioarekiko Auzien Epaitegiari zuzendua, bi hilabeteko epean. Epe hori errekurritzen den egintza jakinarazi edo argitaratu eta biharamunetik aitzina kontatuko da.